




八典第九百七十一卷

湖州府部彙考五

湖州府風俗考

府志

本府

前漢書地理志失越之君皆好勇故其民至今好用劍輕死易發

晉書地理志江南之氣躁勁厥性輕揚

隋書地理志江南之俗火耕水耨以漁獵爲業雖無積蓄然亦無饑餒其俗信鬼神好淫祀其君子尚禮庸庶淳龐風俗澄清道化隆洽

舊志兩浙路人性敏柔而慧尚浮屠之教厚於滋味急於進取善於圖利奢靡而亡積蓄急於圖利奇巧之技出焉

杜氏通典揚州人性輕揚而尚鬼好祀永嘉之後帝室東遷衣冠避難多所萃止文藝儒術斯之爲盛今雖閭閻賤品處力役之際吟咏不輟蓋因顏謝徐庾之風扇焉

唐李直方白蘋亭記其人壽其風信實

宋蘇子瞻云吳興自東晉爲善地號山水清遠其民足於魚稻蓮蒲之利寡求而不爭

張方平云吳興南國之奧有佳山水發秀人自江左而清流美士餘風遺韻相續也

舊志叅考諸說吳興之風俗在古如此然自宋時滕宗諒爲守首建學校時安定胡瑗爲教授講明體用之學東南文物之盛以湖爲首稱而所謂好勇習戰則不復有矣其田野細氓信巫重釋之習則猶未除也歲時遊賞競相夸炫冠婚喪祭惟務繁文蓋其奢靡之習尙不能節焉烏程縣爲東南淳邑民務本而不詭不事藻飾選懦黜姦侈而不靡尙鬼不甚費安溫飽而後名烈口不啻出而意與人親其文顯而質肆者歟

歸安縣民深而飾尙鬼巫而喜勝儀雅而周以異語剽而輕以游相比而意不了然秀而欲上人富人不出境士人多廉能然陰競而驚延利則猶有難變者焉

長興縣力耕務農文風之美視旁邑爲獨盛士夫好脩而尙氣節齊民好勝而多鬭訟至於婚喪競侈靡飲會尙優腆疾病禱鬼神而無賴子孫以賭博敗家此又習俗之難變者也

德清縣重本力穡衣冠鱗集尙禮義而賤勇力諱者好勇而爭訟細民重釋而信巫市廛以質當相先宴席以華侈相尙蓋有僭踰之風焉

武康縣地僻土沃其俗朴而茂其士秀而文務農桑而無曠土樂教化而無頑民所事者田蠶藹然有邠俗之風焉

安吉州好勇尙鬪不出境事商賈而足於衣食以其山多竹木之利君子不樂仕進小人習工藝一以質朴儉約爲主頗有古風

孝豐縣僻處山中小民負險爲固凡有科調緩則玩急則變東地沃而侈近浮西地瘠而險且鄙好鬼務詐尙詐蔑禮今則壽耆相望儒業頓起豪傑之流慕義之輩如日向升固磅礴深厚有攸鍾歟

湖州府祠廟考

府志

本府 烏程歸安二縣附郭

社稷壇在迎禧門外

風雲雷雨山川壇在定安門外

厲壇在臨湖門外

城隍廟

在阜安坊

顏魯公祠唐刺史顏魯公真卿

胡安定先生祠在府治西北觀德坊

晉郭尙書祠在縣治東對河文昌宮巷祀晉尙書郎郭璞

曹孝子祠宋曹孝子願孝子名

清父嘗殺人繫獄自誣代受刑後著靈異邑人立祠祀之

安吉太守祠祀宋安吉太守趙

良淳值元兵大至侯勵衆固守後不可爲夫婦同縊於郡後之集芳軒

吳大帝廟在

府羅城內吳赤烏五年建大帝吳主孫權也

烏程項王廟在縣東北羽與叔父梁避讎吳

中吳中今湖州也故有廟

楚王祠未載處所

徐孺子廟在縣東孺山祀漢南州高士

徐穉嘗哭友人姚元起於此

三賢祠在峴山明正德十二年督學劉瑞建祀唐顏真卿宋

知州事蘇軾王十朋

東坡先生祠舊在駱駝橋東顏魯公祠中後移弁山黃龍洞

通

靈王廟在烏盆巷口長橋相傳吳王濞令趙監督工鑿山採銅山覆而死人以其不虐民力立

廟祀之同光中封爲通靈王

隱侯祠在府治南卽德貺廟祀梁尙書沈約

黃龍洞神

祠在郡城北弁山之陰梁貞明初洞中有黃龍見故名

晏公廟在定安門外祀水神平浪

侯晏元帥

文昌祠在治東南月河坊宋景定年間建明宣德間重修嘉靖間廢隆慶二年

移建府學內

劉太守生祠在峴山

漢樊將軍廟在礪山村祀樊噲封爲十七都土地

保障一方稱此山土地廟有僦居者飛火焚之而去

漢壽亭侯廟在毘山明潘季馴治河

時禱神得陰佑成河工歸而特廟以祀

唐李衛公廟在古山以衛公常擒輔公祐於山有

功邑人德之

靈濟廟在縣北報恩觀右祀廣德祠山之神

沈將軍廟在昇山祀唐蔡

州刺史沈清大曆中李希烈陷汴州清發兵昇山至汴力戰死卽發軍之地置祠以祀

烏

將軍廟唐將軍烏贊卽烏重引族子

梁三碑祠在峴山百花洲祀梁相費汎子棠邑令費

鳳 費學士祠在道場山祀宋翰林費若明嘉靖間重建

城隍廟在泰定倉後明嘉靖

四十年立

東林山土地祠在縣西南五十里東林山之陽舊在山北有靈鳥銜鼓於山之

南遂徙建今所

吳季子祠在社村不知始于何代

協順廟在縣東南石塚村祀宋兵

馬都監陸圭

范丹廟在沈長山東克字圩

元吳總管祠在雙林太平橋祀吳憲卿

許恭簡祠在濟川界祀明少司馬許孚遠

宋學士費文端公祠在射村鹿苑寺後

副

使孫屏石專祠在菱湖南柵明崇禎中建

天祐聖祠在土山効一圩祀宋宰相趙普呂蒙



正 旌忠祠在濟川界祀明工部尙書嚴震直 張公祠在濟川界

長興縣

社稷壇在長安門外西北 風雲雷雨山川壇在嘉會門外 厲壇在吉祥門外 城

隍廟舊在縣治東南二百步明洪武三年建 顯應廟卽李王廟有二一在童莊其所生之

地一在城西五峯山下神李祿世居童莊宋大觀二年正月十八日生赤光照室里人異之後

歿於海陵之赤岸遂爲神顯靈於江淮間 雲頭廟在縣治西南隔塘相傳有許二郎耕稼

於此後忽爲神鄉人立廟祀之禱輒應呼爲雲頭菩薩 雲鶴仙人廟號都監土地在縣治

東四里地名楊灣宋紹定中建 堯帝廟在堯市山相傳堯時洪水居民於此作市後人因

以立廟 舜廟在堯市山下 羿廟在斫射山下相傳山民皆善射故立 斫射神廟

在斫射山唐大曆中遊奕將錢景秀率斫射手平郢景鄉人立廟稱斫射神 吳夫概廟有

二一在縣治東二里一在縣西南七十里嘉會鄉 吳季子廟在縣治西二十里合溪鎮俗

呼李王廟宋紹興間脩 范蠡廟在縣治東北二十五里彭城土人呼爲漁父 項王廟

在弁山之麓

諸葛亮廟在縣治東北二十五里郭轉堆土人呼爲諸葛相公廟

錢卿

廟在縣治東北一十四里錢名朔漢建武中爲代郡太守卒有靈永平七年立廟柯里村唐貞

觀重修又有一神號喊公與之同廟相傳二人以戰捷喜而喊因裂其面又名喊公廟 聖

子廟在縣治東九里陳武帝微時遇一人云子當富有天下及踐帝位不知其人乃立廟名曰

聖子

魚陂王廟在縣治西南六十里相傳夫槩養魚處

謝太傅廟在縣治西南六十

里三鴉岡太傅墓側宋時立明崇禎年重修

鐵關帝廟在長安門內松陰庵左神像鐵鑄

金龍四大王廟在便民倉南門之左

劉將軍祠在長安門外李王廟側

忠武祠在演

武場北

耿侯祠在嘉會門內

朱文公祠在宜春門東北五里後白溪

劉清惠公

祠在子山

思賢樓在長安門外松陰庵前

熊大司馬祠向在金蓮寺之右簪溪書院

之中書院故熊所自建中有澤堂爲論道講書之所

游侯生祠與熊侯祠並

石侯矢

烈祠在承恩門內官置田十九畝

馮侯生祠在倉橋南

吳李合祠在子山簪溪書院

之右

甫里先生祠在陸匯

貞烈祠在子山祀姚光裕未婚妻周氏

節烈合祠在



子山祀諸節烈今圯

德清縣

社稷壇

風雲雷雨山川壇

厲壇

城隍廟以上俱未詳所在

餘不亭侯廟在

縣東清河橋南祀晉車騎將軍餘不亭侯孔愉

孚應侯廟在縣東北新塘村

永靈廟

二俱在新市鎮

三賢祠在新市鎮祀宋顯謨閣學士劉光祖左丞相吳潛右丞相游侶

惠應廟在縣東北梅林村祀漢鉅鹿太守魏霸

武康縣

社稷壇

風雲雷雨山川壇

厲壇

城隍廟以上俱未詳所在

防風氏廟在縣

東南封禺二山之間祀夏時防風氏之神

淵應廟在縣西響應山之麓祀其山碧玉潭之

龍神

郭先生祠在縣北郭林村祀晉隱士郭文

貞曜先生祠在孟宅保祀唐隱士孟

郊

靈祐昭應廟在縣南二百步祀宋孝子曾雲之

安吉州

社稷壇在西門外

風雲雷雨山川壇在南門外

州厲壇在北門外

城隍廟在州

治東南

李衛公祠祀李靖在玉磬山前

吳太子廟在州南五里許赤烏中廢太子和

卒處

朱明府廟在州西南五里吳揚州別駕偏將軍名紀其墓在焉

晉施明侯廟在

梅溪鄉侯名彬征西大將軍封中繡侯

孝豐縣

社稷壇

風雲雷雨山川壇

厲壇

龍王廟在金石鄉

城隍廟在縣治

東

平廟祀張睢陽

聖帝廟在太平鄉百步

石臯王廟在金石鄉

仙姑廟在金石鄉

水村卽徐仙姑

山公祠在山公潭上祀晉吏部山濤今廢

徐千祠在天目鄉

關

帝廟在縣西南一里

寺觀附

本府

烏程歸安二縣附郭

天寧萬壽禪寺在府治東北陳永定三年建名龍興寺唐神龍二年改孝義寺吳越錢氏改天

寧寺宋崇寧中改名崇寧後又改曰天寧紹興七年改曰報恩廣孝寺後又改名報恩光宗十二年改今額明萬曆元年知府栗祁修 飛英教寺唐咸通五年建中和五年改爲上乘寺

宋景德二年改今額明洪武初分寺爲二東曰飛英教寺西曰飛英塔院 天聖禪寺在府

治北唐中和二年建爲景清禪院宋天聖八年改今額 報本禪寺吳越時建 鴻禧教

寺在府治西北梁大同二年建舊名寶勝寺唐咸通十二年改爲崇福龍紀元年改名保聖吳越改名廣慧崇益宋大中祥符二年改今額 空相講寺舊名彌陀懺院宋治平二年改空

相教院今爲講院 鐵佛禪寺在府治西宋乾興中建熙寧元年賜名聖壽觀音院紹興二

十二年改廣福觀音院元末燬於兵明洪武二年移寺於今所改今額 證通講寺在府治

東吳越時建 慈感講寺在府治南唐乾元間建於迎禧門外宋嘉祐中號利濟院大觀元

年改爲慈感 元妙觀在府治北梁大同二年建號元風觀唐神龍二年改龍興觀大曆元

年改開元觀至宋初改爲元通大中祥符元年改曰天慶元改今名 靖應觀在府西北

報恩光孝觀梁大同二年建唐開元二十六年名曰龍清崇寧三年改崇寧萬壽觀政和間改

天寧萬壽紹興十七年改今名明隆慶間重修

東嶽行宮宋宣和七年建於天慶觀東後

遷於迎福門外元末燬明洪武三年徙今所正統八年重修

金婆樓迎真道院在府治南

郡有金婆者好道築樓以居一日遇異人授以太乙養元之道辟穀十餘年端坐而逝比葬昇者訝其輕發而視之惟隻履存焉因葺其樓元泰定間改今名 福田寺在府城東四十里

道場護聖萬壽禪寺在縣南道場山唐中和間如訥禪師辭師出行師命之曰逢道卽止訥經

此山詢其名父老曰道場山乃結庵居之吳越錢氏題其額爲真正禪院宋又改爲妙覺寺元

豐三年賜額改今名元末燬

何山崇報禪寺宋元嘉十四年建乾道初爲秀安僖王功德

院賜額崇報元末改爲寺

峴山禪寺在縣南峴山晉創號施水禪庵宋崇寧四年賜名顯

化明洪武三年改今額隆慶元年重修

上金教寺在下菰城唐元和十四年建名淨衆院

會昌中廢天復三年重建名上金院

常照寺在菁山宋建炎中僧梵隆建因請舊額爲名

高宗書寂而常照照而常寂八字以賜

能仁寺在夾山漾放生池之上屬報嚴彰孝禪院

遺址

寶積寺在杼山舊在金斗山梁大同七年建號妙喜寺唐貞觀六年始移額於此

華嚴寺在妙喜山創自唐時舊名嘉會宋嘉熙初僧慧莊誦華嚴得悟改今名

竹林講寺

在縣西北

仁王禪寺在鳳凰山

幻住禪寺在弁山

興善教寺在縣東北義高村

褒能教寺在南潯南柵宋建炎二年高宗避敵匿神祠中月下俄見泥馬忽動跨之而行遂入

杭州

慈恩教寺在縣東馬要村錢氏建號興國院元至正間改今額

真慶禪寺在長

田村元大德中建

寶雲教寺在縣東陳墩村周顯德中建號寶壽院宋治平二年改今名

普靜教寺在烏鎮梁天監中號光福寺宋大中祥符間改今額

超果寺在縣西南麻谷村

唐龍紀元年建號龍紀院元初改今額

報國教寺在南潯鎮宋端平間建

白蓮禪寺

在菁山南塢宋咸淳間建號曰白蓮禪院元季改爲寺

山塵寺在縣西南三十里

鹿

山禪寺在縣西南二十里因山中見白鹿故名

福山禪寺在縣西二十里

顯忠崇孝

樂壽禪寺在縣西南妙喜山宋高宗時建

祥應宮在弁山黃龍洞側吳越王時遣使賁簡

投於洞有龍見洞中因置宮明正統三年重建

佑聖宮在縣西北弁山之陽宋紹興中建

元末燬於兵明洪武四年重建

廣惠宮在南潯宋治平間建元時重修明天啟六年再建

普照觀在縣南菁山齊永明間名靈壽觀宋治平二年改今額 福先觀在縣西南妙喜山

唐貞觀中建 純陽道院在縣北毗山 祇園寺在縣西南東林山齊永平三年建號大

乘寺宋治平年改今額 鹿苑寺在縣南射村梁大同元年建 精舍禪院在縣西南上

強村陳永定中建唐大中元年改爲禪院 黃巖禪寺在縣西南至孝鄉唐中和間建

無相寺在縣西南黃千山吳越錢氏建 青蓮寺在縣東南石塚唐大順三年建 演教

寺在縣東南荻港周顯德中建 禪智寺在縣東南竹墩唐咸通十五年建 無爲寺在

縣東南明季重建 淨業寺在縣東南沈灣宋治平二年改建 法寶禪院在縣南思溪

宋宣和中建今廢爲民居 上乘院在縣東南靈山村宋治平二年改建 護國報恩院

在縣東南千步村唐咸通十二年建 瑤山教寺在縣東璉市舊名瑤山院明洪武十年改

今額 淨慈院在縣東含山唐乾符三年建號含山院宋治平二年改今額 棲真禪院

在縣西南延村唐咸通六年姚恩捨宅建 尊勝院在縣西南銅盤村周顯德中建 悟

空院在縣東南湖跌唐時建 開化院在縣東南射村晉永嘉元年孫德宗捨宅建 廣



福禪院在縣西南九十里

妙明庵在縣西南前驤村

常清觀在縣東施渚鎮梁大同

四年建號清虛宮宋治平二年改今額

回仙觀在縣東南東林村宋熙寧元年八月十九

日回仙訪沈東老於此後東老捨宅建蓋回宇者呂字也

元通觀在縣東漁林宋慶元四

年建

天中介福宮在縣南東林鄉宋乾道中建

長興縣

清涼禪寺在縣西五峯山舊在和平鎮吳越錢氏建宋治平二年改今額元至正間遷於此

紫金講寺在縣西長安門外宋淳熙四年建名紫金菴元末燬明洪武中改今額

大雄教

寺在縣治東南二百步舊在縣西北陳天嘉元年建宋治平二年改今額明洪武二年遷於今

處

廣德教寺在縣東下簪溪陳高祖故宅也光大元年詔立爲寺號天居宮宋治平二年

改今額明洪武四年重建

大雲教寺在縣西南方山齊永明元年建

廣壽教寺在縣

南吳山吳越錢氏建元末廢洪武四年重建

空隱教寺在縣西南漁陂唐天寶中建

清果教寺在縣西霽畫溪梁大同元年建

空王教寺在縣西北天居村吳越錢氏建

壽聖禪寺在縣西北三十五里金山之麓元至正元年建

廣福教寺在合溪宋元符五年

建初名飛雲寺治平二年改今額明洪武十年重建併空王寺

吉祥寺在縣西北水口

冲真觀在縣東一里晉咸康元年建

祠山行宮在縣西五峯山宋淳熙三年建

朝元

道院在縣南界元延祐七年建

三真觀在縣西四安鎮西北二里元至正四年創建

東嶽行宮在縣西五峯山宋紹興十年建宮後山頂有洗心亭高敞可望太湖

德清縣

八聖寺在縣東韶村梁天監年青州節度使沈子真宅一夕鐘聲自鳴堂前井中放白毫光八道俄有八龍騰空而去子真遂捨宅建寺武帝賜今名

元峯觀在縣南二里宋紹興中建

武康縣

大慈教寺在縣東梁普同六年建唐大曆五年僧神悟鑄鐘朝命輦至都下遽躍入水中求之不能得宋治平二年改今額

安吉州

霧山教寺在州南霧山吳越錢氏建

德山教院在州南三十五里唐龍紀元年建

常

樂禪寺在州西半里

樂平教寺在州東梅溪鎮宋元嘉元年建

曉覺教寺在州東晏

子鄉洞口齊永明元年建

程闡寺在州東北三十里梅溪灘鄉

巖真觀在州西安福

鄉宋崇寧中建賜額真君觀政和八年改今額

龍清觀在州東順安鄉宋政和五年建

東嶽行宮在龍清觀之左

玉樞道院在州南百二十步宋治平中建

昭明宮在州西

南鳳亭鄉梁大監四年建

惠門教院在州東結竹林周廣順元年建

孝豐縣

廣福教寺在縣北靈奕鄉吳越錢氏建名修道寺宋紹興二十二年改今額

化度寺在縣

東南浮玉鄉上墅

百福寺在縣東南孝豐鄉靈峯山唐開平元年建

太平教寺在縣

太平鄉

桐相寺在縣西金石鄉一名潼湘

紫陽觀在縣西南天目山梁大同五年建

昭明太子勒碑記旁有石室

集仙宮在縣北魚池鄉齊永明二年建